



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm Septembris Et Octobris

Surius, Laurentius

Coloniae Agrippinae, 1576-

VD16 S 10262

De S. Fideli martyre.

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

autem eam quoquè deducit ad reliquias: & quod desiderabat consequi, & quemadmodum optrabat videre, ei tradit reliquias tali ornamento confessionis, & tali amictu ornatas martyrij. Atque illa quidem statim circumfusa reliquijs, easque totas complectens, & vnumquodque membrum valde exosculans, & præ gaudio ac desiderio complecti calidas in eas effundens lachrymas, dicebat: Filia iucundissima, filia mihi charissima, filia, quam ego in exercitatione, in silentio, & in laboribus pulchre eduxi, ago tibi gratias, quod materna præcepta non contempsisti, quod quæ pollicita fueras, obseruasti, & stetisti promissis, nec es oblita monitorum: sed adstitisti Christo sponsῳ tuo, vestimento virginitatis induita, variata stigmatibus martyrij, circundata corona ex lapidibus preciosis: & nunc habitas in loco tabernaculi admirabilis, in domo gloriae Domini, ubi est habitatio lætantium. Propterea rogo te, chara filia, & mater spiritualis, (Sic enim te inuocare est mihi conuenientius) esto mihi in hac breui & caduca vita bona nutrix senectutis, & pro me ad æternam vitam transmigrante intercedas, communem mihi placans Dominum.

Hac illa filiorum amans, piaque ac religiosa anus, quæ sciebat, ita ut oportet *Cap. 12.* parere & educare, cum dixisset martyri, & eam sénilibus amplexa esset & composuisset manibus: egeret autem manu, quæ ei inseruiret in transferendis reliquijs, ut quæ esset, sicut diximus, vetula, & ipsi potius esset opus manu & baculo: nullaque ipsi earum transportandarum suppeteret ratio, & ideo statet apud se ægræ ferens, & animo anxia, repente duo quidam viri aduententes, & forma & moribus reuerendi, sanctis manibus subiectis reliquijs, eisque cum ipsa sublatis, prope urbem Romanam splendide & honorifice deposuerunt: Ad gloriam Dei patris, & Domini nostri Iesu Christi: Cum quo, & cum sancto spiritu illi sit honor & potentia in secula seculorum, Amen.

BEATI PETRI DAMIANI SERMO HIS STORICVS IN FESTIVITATE SANCTI Fidelis martyris.

NO STIS, fratres charissimi, quia idcirco ad audiendas martyrum Christi victorias frequenter ex institutione Ecclesiastica conuenimus, ut dum eorum gestis instruimur, ad amorem cœlestis patriæ, quam viriliter decertantes ad ectorū Vitas epi sunt, feruentius accendamur: dumque illos audimus in felsis condicta Regum, minas principum, tribunalia iudicium confirmantes, tot suppliciorum genera percurrisse, pudeat bus enarrare ingenuos fidelium animos saltem carnis suæ vitij nō oblistere. Pudendum nanque est, sic bellatorum Christi speare victorias, ut dum alios triumphalibus titulis insignitos, spolia ex hostibus reportare conspicimus, ipsi in pace domestica surrepentibus vitij, velut insidiantibus aduersarijs eneruiter succumbamus. Porrò autem beati martyres, & antequam in certamine sanguinem funderent, diuersis floruere virtutibus. Nobis autem, quia pro defensione fidei mori non possumus, consummata victoria est, si in sanctarum conuersatione virtutum vivere studeamus, ut inde nos protinus transferamur ad regnum, vnde illi meruere martyriū. Ex vita quippe meritis, quibus illi obtinere meruerunt sui certaminis palmarum, inde nos absque ullo persecutionis obstaculo perducimur ad coronam. Aliud igitur in sanctis martyribus solummodo venerari & admirari debemus, aliud etiam imitari. Admitemur scilicet constanter & ingenui morientes: imitemur honesta morum sanctos in conuersatione viuentes. Veneremur in illis, quod corpus suum pro fide diuersis trahit, & imitare supplicijs: imitemur autem, quod carnem suam ante crucifixionem cum vitij & concupiscentijs. Admiremur illos viriliter morientes, ne vitâ ipsi negarent: sed & imitemur per charitatis zelum sanctis exhortationibus insistentes, ut ad vitam & alios traherent. Et ut breviori quod gestio sermone concludam, tunc memoria martyrum dignè recolitur, si dum mors eorum ingerit audita miraculum, præcedens etiam vita ducitur in exemplum.

Eccè beatus martyr iste Fidelis, cuius hodiè festivitatem colimus, sicut gestorum eius testatur historia, & antequam martyrij præberetur occasio, vitam martyrio delis dignam tyris.

dignam duxisse cognoscitur. Nam cum claris natalium titulis fulgeret, & arridente rerum copia, viâ mundi posset non ingloriosus arriperet, spredo magnarū quorumlibet patrocinio, religioso deuotus Episcopo maluit adhærere, vt se parenter ostenderet non ad gratiam vel diutinas anhelare potentis, sed benedictionem potius eligeret sacerdotis. Cum quo videlicet non ad litigiorum forensium iurgia, non ad prestigiosa figmenta scenarum, non ad theatralia dignum duxit commeare spectacula, sed martyrum potius carceres visitabat. Et quia deuotus martyribus fuit, quandoquè martyr fieri & ipse promeruit. Sic & olim dispensator ille domus regiae Abdias, quia Prophetas centum in specubus absconditos pauit, prophetalem gratiam & ipse postmodum dignè remuneratus accepit. Et qui tunc pane simul & aqua Prophetarum aluit pia sedulitatis ministerio turbam, nunc Prophetiæ suæ oraculis, cælestibus videlicet alimentis, yniuersam recreat & pascit Ecclesiam. Sic Iosue, qui Moysi, ductori videlicet Israëliticæ plebis, obsequium famulatûs impendit, eidem postmodum plebi & laudabiliter præfuit, & de eius aduersarijs cum magna gloria triumphauit: Quid Eliæum referam, qui dum ab Elia separari nec ad momentum patitur, eius subinde spiritum duplicum præmeretur ac si iam tunc Dominus illud Euangelicum intonaret: Qui recipit Prophetam in nomine Prophetæ, mercedem Prophetæ accipiet.

Multos co*uerit ad Christum.*

Enimvero nec solùm sanctis martyribus beatus iste Fidelis officium pia humilitatis exhibuit, sed diligentiam suam ad lucrando etiam eos, qui idolorum erroribus tenebantur, extendit. Et sicut ipse proprijs videtur verbis assere, dum in seculari militia versaretur, magis diuino parebat imperio, quam terreno, adeò ut nonnullos à profana idolatriæ cultura compesceret, & ad veri Dei notitiam salutiferis admonitionibus aduocaret. Militaribus quidem castris intererat, sed cælestis militis signa gerebat. Armatus denique videbatur cum eis admiseri, sed pro cælestibus castris sociare sibi alienæ professionis milites satagebat. Quibus nimirum non terrenæ militiæ balteum, non temporalis stipendij donatiuum, sed cælestis promittebat curiæ municipium. Sub terrena itaque militiæ chlamyde pro castris cælestibus stabat, vt de terrena transfigas faceret, quibus numerum militiæ cælestis augeret. Huic & David simile quid fecisse cognouimus, videlicet cum apud Achis Regem Geth, Saül fugiens morareretur. Opulenta nimirum spolia de his sèpè regionibus auferebat, quibus prædictus Achis imperabat: & vt ait scriptura, percutiebat David omnem terram, nec relinquebat viuentem vitum & mulierem, tollensque oves, & boues, & asinos, & camelos, & vestes, reuertebatur, & veniebat ad Achis. Quem cum interrogaret Achis: In quem irruisti hodie? fatebatur ille se contra meridiem Iuda, vel contra regiones Israël insiluisse. David itaque alienigenæ Regi quasi deuotum se, urgente necessitate, præbuerat, sed ex profano eius populo strages pluri-mas coaceruabat: Beatus vero Fidelis sub secularis professione militia in procinctu castrorum cælestium desudauit. Propterea mundo, immò principi huius mundi, cui speciemens seruire videbatur, illudens, sequaces quoque fatagebat abstrahere, potiorisque militiæ coetibus aggregare.

*Sub scena-
ribus armis
militiæ spi-
rituali va-
cat.*

Ephe. 6.

Ille igitur ferro nationes barbaricas obtruncabat: iste gladio spiritus, quod est verbum Dei, à carnali vita, inconditi & reuerâ barbarici ritûs homines occidebat. Ille diuersorum turmas animalium rapuit: hic brutos homines ad Ecclesiæ stabulum, & capessendæ rationis pabulum vitale perduxit. Ille quæsusitus Dei se populo testabatur extitisse contrarium: iste etiam parti fideliū quodam modo se perhibebat obsistere, dum secularem militiam videretur cum infidelibus bafulare. Militari nanque professione hoc superficienüs videbatur afferere, quod hæreditatem Dei, cuius ipse pars erat, diuersis motibus, velut quibusdam gladijs, oppugnaret. Sic nimirum, sic sancta fraus liberius procedebat, dum is, cui suspicio deerat, acquirendis Christo fidelibus insistebat. Videmus igitur quia beatus Fidelis ad coronam martyrij, merito præcedente, peruenit, qui lucrandis animabus veræ charitatis studio & ante martyrium desudauit. Quasi enim bona terra & ferax prius germinen sancti operis protulit, & sic deinde triumphalis gloriam lumen exceptit. Hinc est enim quod in huius mundi primordio prius terra germinare præcipitur, sequenti vero die luminaria in cælo fiunt: quia necessè est nos primò sancta operationis vitales fructus afferre, vt ad contemplandū summæ veritatis lumen valeamus postmodum peruenire. Domū nempe suā supra firmā petrā in pace fundauerat, vnde postmodum

*Præcedente
vitæ merito
venit ad pal-
mam mar-
tyrij.*

Gen. 1.

Matth. 7.

dum

dum venti minarum fureret, dum diuersi suppliciorum fluctus impingerent, immobiles permanebat: & tanquam radix egregij truci robur prius in occulto conceperat, quo fulta postmodum adulta seges auris impellentibus non cadebat. In pace igitur ex bona operatione promeruit, quod in iunctus in persecutionis stadio & imperterritus stetit. Elaborauit in ocio, quod superauit in bello. Intrà pacis mœnia conquisiuit, quod in campo victor obtinuit.

Inter cætera autem meritorum eius insignia, illud quantæ gloria est, quod beatus hic & inuictissimus martyr, mox vt capite cæsus est, turbida tempestas & nimia coruscatio dicitur emersisse? Hoc siquidem diuinæ fuit æquitatis indicium, vt per hoc manifestè claresceret, quod qui martyrem suum recipiebat in gloria, tortores eius dignè terrebant in ira. Ad terrificadum itaque reprobos coruscatio & tempestas erupit, quibus videlicet comitantibus supernus arbiter ad iudicium venit, sicut per Prophetam dicitur: Ignis ante eum præbit, & in circuitu eius tempestas valida. Porrò in morte Domini elementa turbata leguntur. Quantæ ergo dignitatis est, quamque nobilis insigne triumphi, adiunctor Dominicae mortis, etiam in decollatione martyris elementa fuisse commota? vt ex aliqua parte mortis eius moriendo teneret formam, cuius imitatus est vivendo doctrinam.

Illud etiam parvipendendum non est, quod quidam ex persecutoribus à dæmonio perhibetur arreptus, qui nimirum cum promitteret sepulturæ se corpus martyris cum magna reverentia traditurum, si eo interueniente mereretur à dæmonio liberari, mox vt cadauer martyr tetigit, dæmon abscessit. In hoc etiam eiusdem nostri Redemptoris perspicue videtur exemplum. Siquidem ex ipsis persecutoribus Domini quicunque mysterium sacrosancti corporis eius attingere meruerunt, à dæmonum iugo soluti sunt, ipso redempti sanguine, quem fuderant. Arque vt in martyrio suo seruus passionem Dominis uideatur quasi pedissequus imitari, dum carnifices principi suo miracula, quæ per beatum martyrem ostensa fuerant, nunciarent, cuiquam talia referre omnino prohibuit, perpetuoque celari teritus imperauit. Quis enim hoc audiens, non illud protinus ad memoriam reuocet, quod principes sacerdotum dixerunt custodibus: Dicite, inquiunt, quia discipuli eius nocte venerunt, & furati sunt eum vobis dormientibus: & si auditum fuerit à Praeside, nos suadebimus ei, & securos vos faciemus. Iste quidem docuere custodes, vt mendacium fingeant: ille præcepit officialibus, vt veritatem silentio supprimerent. Vtrique nimurum veritatis sunt intinaci, dum aut commenta fallacia nequier fabricant, aut veritatem silentio malignitatis occultant.

Nos autem, fratres charissimi, qui tam egregij constantiam prælatoris audiuiimus, qui tanta virtutis insignia tanquam posita sub oculis intuemur, & ipsi virtutes habere cum Dei omnipotenti auxilio studeamus. Pudeat sub ignauia torpore languescere, qui alios cernimus cum tanta ad cælum gloria peruenire. Incalescat mens nostra ad agonem certaminis: & si non timet audacter cum hoste configere, non dubitet duce Christo facilem sibi victoriæ prouenire. Et quidem nobis minor est labor, cum tamen commune sit premium. Quis enim nesciat incomparabiliter esse difficultius, gladio ceruicem subdere, quam gulæ illecebras cohibere? Quis non malit æstuare laboribus, vel nuditate frigescere, quam flammarum furentium incendia sustinere? Quis non leuius censeat esurire & sitiare, quam radi vngulis, vel bestiarum mortibus tradi? An non periculosius est, in publico minantia frenientium Regum mandata contempnere, quam latenter in mente prauis cogitationibus contrarie? semetipsum morti ultroneum tradere, quam voluntates proprias, & carnis desideria refrenare? Cum itaque minus laborando ad eandem beatitudinem tendimus, cur decertantes in stadio imitari negligimus, vt confortes in patria victoribus exerce valcamus? Pugnemus igitur, fratres mei, & infestantium nos vitiorum illecebras amputare curemus: non enim possumus hinc gaudere de seculo, & illuc regnare cum Christo. Et quidem beatos martyres cum membris diaboli dimicasse cognoscimus: nos autem cum ipso iniquorum capite infcoederabilis pugna luçtamen habemus. Illi vicerunt eum per membra sua immaniter sauentem: nos superare præcipimus sub insidiarum fraudibus latitarem. Vtroque modo triumphum de illo gloriosus martyr Fidelis obtinuit, qui in pace per ædificationis gratiam ab eius vinculo nonnullos eripuit, & oblato persecutionis articulo, blandientem nihilominus, & terrentem per sua membra contemptit. Victor vicit, deiectus ascendit, proprium caput gladio sub-

Cur sancto
Dei decol-
laro, tēpe-
stas orta sit.

psal. 49.

Matth. 27.

Dæmonia-
cus ad eius
corpus cu-
ratur.

Per Christū
datur in
agone vi-
ctoria.

Subdidit, & ceruicem diaboli perpetuæ victoriae pede calcauit. Nunc proculdubio inter ignitos supernæ Hierusalem lapides emicat, & cum purpuratis commilitonibus Imperatori suo caelestis harmonia carmen alternat. Felici nimurum commercio fragilem corporis exuit tunicam, & candidam immortalitatis adeptus est stolam. Caput decollatus amist, & precioso nunc lapide coronatus incedit. Ille quippe eum remunerat in æterna iam quiete victorem, qui & inter bella dudum protexerat decer- tantem, Iesus Christus Dominus noster, qui cum Patre & Spiritu sancto viuit & re- gnat in seculorum, Amen.

Vides san-
ctorum ani-
mas statim
postsepara-
tionem à cor-
poribus re-
cipi in ca-
lo?

EIVSDEM HYMNVS DE S. FIDELE MARTYRE.

MAgna Fidelis merita sancta promit Ecclesia,
Qui morte mortem perdidit, & victor astra petijt,
Abiecto carnis onere, stola vestitur gloriae:
Tersis ab ore lachrymis, veris potitur gaudijs.
Vt ene casus moritur, seu tempestas oritur,
Sic intentatur impijs vindicta iusti ludicis.
Quendam sed ex tortoribus malus inuadit spiritus,
Mox sanctæ glebae iungitur, dira pestis excluditur.
Cordis orisque precibus te, martyr alme, petimus,
Nos tua per vestigia ad vitæ ducas præmia.
Sit Patri laus ingenito, sit decus Vnigenito,
Sit vtriusque parili maiestas summa Flamini.

Amen.

SERMO EGREGIVS MEGINHARDI MONA-
CHI DE S. FERRVTIO MARTYRE. HABETVR IN AN-
TIQUIS MANUSCRIPTIS CODICIBUS, NOS CUM IN CAPITA AD MARGINS
NEM DISTINXIMUS.

Prologus Authoris ad Adelgerum Abbatem.

Iacob. I.
Eccli. 41.

Lib. I. Tuse.
Quæst.

Charitas
operando
se exerit.

Moguntia
opæ & co-
pia.



Omino Adelgero cum grege sibi credito, Meginhardus exiguus, omne datum optimum, descendens à patre luminum. luxa laudem sapientiae veridicam, qui propriam nouit occultare stultiam, suam præstat abscondenti scientiam. Vnde sèpè rogati in laudem sancti Ferrutij scriptis aliquid edere, maluimus silendo latere, quæ palam subfannationi nugas promendo patére. Neque enim minimum nos illa Tulliana declamatio terruit, quæ tepidos sic carpens scriptores intonuit: Mandare quenquam literis cogitationes suas, qui eas nec disponere, nec illustrare possit, nec delectatione aliqua allucere lectorē, hominis est intemperanter abutentis & ocio & literis. Diutina siquidem deliberatione fluctuantes, vacaremus ne, an scriberemus, effectua tandem illa charitas vicit, quæ non nisi operando ardoris sui flamas exerere nouit. Qui verò nos tantilli per subarescentis stillam riuuli, quicquam nos præstare putemus fluctibus Rheni, qui quicquid natura preciosum, quicquid moralitate decorum, quicquid ratione splendidum mundus quadrangulariter teres vsquæ mortalibus effert, diuæ tumidus totum Moguntiæ confert? Ambrosios enim gremio confouet, qui diuinum vertice melilifi nectaris odorem adspirent: Augustinos, qui diuinitatè inter Cherubim speculando, miris armaria tractatibus adaugeant: Gregorios, qui verbi diuini pabula vigilans ruminantes, in prōptuarijs ex hoc in illud eructuantibus, opportunè promendo recondant. Ibì fons philosophicus prata virentia riuis septenis inundat, gratusque potantes dulcedine terni saporis inebriat. Vnde suppliciter imploramus culminis celitudinem vestri, quatenus inter aurea gemmeaque, quibus abundatis, populous generæ, crateræ vilis vel gustum non dedignemini, fraternæque mentis musculum, humilitatis saltem gratia non aspernemini. Sed eccedum supra vires conamur, sub onere labimur, & ad gressum liberum non valentes erigi, per terram trahimur depresso: ut in nobis impleatur, quod beatus Gregorius humiliiter de se profitetur, quia vires quas imperitia denegat, charitas ministrat. Ipsius ergo meritis in-
terue-